

TESSALÔNICA KA WATWAT PEAPTUP PAULO EMUDUPMUBARARAKTUP KOAPATUP

¹ Tessalônica ka watwat, cartadup mubarararağ òn soat peaptum eywebeaptum—Jesus kay itabucayũ beaptum. Òn Paulo. Ijudup mubarararağ òn Timóteo eju, Silas eju dak. Eyju Deus ebekitkiyũ—wuyebay ebekitkiyũ. Wuykukukat ebekitkiyũ eyju—Jesus Cristo ebekitkiyũ.

— Bay, xipan cuy Tessalônica ka watwat ejukuk — i òn e'em Deus pe. — Ixeyũ ağuy mubabibin cuy eğuy — i òn e'em cebe.

² Eywebeam oceju kawēnwēn Deus eju soat em ma.

— Bay, ēn xipat — i oceju e'em cebe, eyetabut cekay buye.

³ Deus wuyebayat. Ocetabut ixē kay. Eyju dak eyetabut ixē kay. Imēnpuye soat em eyju warara'acat puywatwan ixē a'ōbi. Deus ikukpin eyxe. Ijodiacat tak ikukpin. Imēnpuye eyju kapikpiğ cīcā ixē ekawēn muwēnuwēn itabut'ūmayũ be. Eyetaybit wuykukukat Jesus Cristo jajēm waram iam. Imēnpuye eybu'u ġu ixē ajēmap wiwi am. Imēn eyju jekukum, eyju wuykukukat a'ō kay buye—Jesus Cristo a'ō kay. Cūğ ma eyekukuap kay oceju ġebum Deus eju kawēnwēn pima. ⁴ Ocekpitpiyũ, Deus xe eykukpin cīcā. Ixe juk eynaē jebekitkiyũm. Ocetaybit iboam. ⁵ Kawēn idipat cuk adi

oceḡuwēnuwēn eywebe—ijodiat ekawēn ḡu—Deus ekawēn acã. Deus a'õbacaan ma juk adi oceḡuwēnuwēn eywebe. Ibiõḡbuk xipacat a'õbi oceḡuwēnuwēn. Wuyetaybit kawēn idipat icēmān iam. Eyetabutpe cūḡ ma juk adi oceḡuwēnuwēn eywebe dak cūḡ ma eyeku am. Eyetaybit iboam. ⁶ Imēneju oceḡuwēnuwēn co'i juk adi epekuku. Wuykukukat ekukuap co'i dak epekuku. Kawēn idipat kay juk adi eyetabun cīcã epesop. Eyetabut pima, ipiatpi'ajojom cuk adi epesop. Inaka Deus biõḡbuk cuk adi eymucokcokcoḡ osunuy—Ibiõḡbuk xipacat. ⁷ Cūḡ ma Tesselônia ka watwat jekukum iap awēḡ o'yawēḡcoco ip soat itabucayū—Macedônia eipi watwat, Grécia eipi watwat tak. Imēnpuye eyekukuap co'i juk ip oekuku. ⁸ Wuykukukat ekawēn cuk adi epeḡuwēnuwēn Macedônia eipi watwat pe, Grécia eipi watwat pe dak. Tesselônia ka watwat itabut cīcã Deus kay iap awēḡ o'yawēḡtobuxik ip soat kaka daḡayū. Oceju bit eyetabucap muwēnuwēn ḡu ḡasū bit kuy ip itaybit puye. ⁹ Soat em eyetabucap muwēnuwēn ip jewewebe.

— Tesselônia ka watwat te'e ma itabut osodop ip deusbaroyū kay — i'e'em ip jewewebe. — Pauloyū bit cuk Deus ekawēn o'ḡuwēn cebe ip — i'e'em ip. — Imēnpuye oibu'un ip deusbaroyū kay — i'e'em ip. — Deusat a'õ kay acã ḡasū ip—soat em itaicat a'õ kay—i'e'em ip jewewebe. — Deus peam ip kapikpiḡ ḡasū bit — i'e'em ip jewewebe. ¹⁰ — Kabi kadiwi waram Deus ipot jekop iap wiwim ip — i'e'em ip. — Jesus jajēm iap wiwim ip — i. Deus jekpot o'ḡutait ce'ūap tomukadi. Ixe Jesus

wuydaxijojom Deus pe wuykay itakomaap puxim. Imēnpuye Deus wuymuju ġu ipiat'ajojoap kay.

2

¹ Ocekitpitpiyū, eyetaybit te'e ġu juk adi eyjom oceku iam. ² Eykay ocajēm awap Filipos ka be juk adi oceku. Ibo ka watwat cuk adi xipan ġu oceku. Warēmtaġ cuk adi ip oceku. Ocekay'ūm cīcā ip osodop. Ocekawēn kay'ūm cīcā dak ip osodop. Eyetaybit iboam. Inaka Deus cuk adi oca'ōmucanucan osunuy. Imēnpuye ocebu'u ġu ocesop kawēn idipat muwēn ām eywebe. ³ Kawēn cūġat cuk adi oceġuwēnuwēn. Ikērēat kayap tomuju ġu juk adi oceġuwēnuwēn eywebe. Ey-muġuykuku ojuy ġu dak juk adi ocesop.

⁴— Oxe cūġ ma eywebe kawēn idipat muwēn ām itabut'ūmayū be — i juk adi o'e'e Deus ocewebe. Imēnpuye kawēn idipat muwēnuwēn cuk adi oceku. Imuwēnuwēn oceju ijodiat mucokcokap ojuy ġu—Deus mucokcokap ojuy acā. Deus wuybuyxijojom wa'ō daġ paxi je'e ip iam.

⁵ — Eyju xipat cīcā — i'ūmġu juk adi oce'e'e eywebe eybikuy ocekay am. — Oceju eykay jījā — i'ūmġu juk adi oce'e'e eywebe eyedinheiro ūmap ojuy.

Deus itaybit iboam. ⁶ Eywebe xipan ocmuwēnuwēnap kudadam ġu oceju—warara'acat pe xipan ocmuwēnuwēnap kudadam ġu dak. ⁷ Cūġ ma kuka o'e ocewebe “Kūyjobin cuy epesop oca'ō kay, oceju Cristo emumujuyū buye” i'e am eywebe. Imēn ġu bit oceju e'em warara'acayū be. Eywebe dak ka'ūma. Imēnpit eyxe bima oca'ōtareġ

ḡu juk adi eykuk. Xipan cuk adi oceju eykuk ayacat xipan je'it kuḡat puxim. ⁸ Eykukpin cīcā ocexe. Imēnpuye kawēn idipat cuk adi oceḡuwēnuwēn eywebe Deus ekawēn. Oceparara ḡu juk adi ocesop warara'acat pe ocaokaap puxim, Jesus kay eyetabucap ojuy jījā buye, eykukpin cīcā ocexe buye dak. ⁹ Ocekitpitpiyū, ḡebum cuy epesop apēn cedaḡ ma juk adi ocekuku iap kay. Apēn cuk adi ocejekapikpik eywebeam iap kay dak cuy ḡebum epesop. Kabiam cuk adi kapikpiḡ cīcā ocesop. Ixima be dak kapikpiḡ ma ocesop. Eyxewi ocemukaypinput ojuyap puxim cuk adi kapikpiḡ cīcā ocesop. Kapikpiḡ cīcā juk adi ocesop eywebe Deus ekawēn muwēnuwēn pima—kawēn idipat muwēnuwēn pima.

¹⁰ Eyxe bima warēmtaḡ ḡu juk adi ocekukuku. Cūḡ ma juk adi ocekukuku eyetabutpe. Ocekawēnkēṛē ḡu juk adi ocesop eyweju. Eyetaybit cūḡ ma juk adi ocekukuku iam. Deus tak itaybit iboam. ¹¹ Xipan cuk adi oceju eykuk aḡokatkat xipan jekpot kukap puxim. Eyetaybit iboam. ¹² Oceju juk adi eymucokcokcoḡ Jesus kay eye'e am. Eyḡuycūḡap mu'ūmu'ūm cuk adi ocesop. Eyawēwēm cuk adi ocesop eywebe Deus mucokcok am. Deus cuk eynaē soat em ja'ō daḡ eyeku am. Ixe soat kukukan je'e. Soat kukukan i'e buje, eyju dak warara'acat kukuk'ukayūm epesop ceweju. Ixe soat podi ma jedipap kuḡ. Eyju dak ixe dipap kuḡ epesop.

¹³ Ocewebe Deus ekawēn muwēn puje, cuk adi kūyjobit epesop cekawēn kay.

— Iboap ekawēn ijodiat ekawēn ḡu—Deus ekawēn acā — i juk adi epe'e'e.

Imēneju soat em oceju e'em:

— Ēn xipat cīcā — i Deus pe.

Kawēn idipat Deus ekawēn ma. Ixe dak ja'ōbacaap ūmūm soat pe ja'ō kay itabucayū be. ¹⁴ Ocekpitpiyū, eybadipyū ma juk adi ipiat o'supi'ajojoat eywebe—eyka watwat ma. Apēn Judéia eipi watwat ipiat'ajojom iap puxim eyju dak ipiat'ajojom. Deus kayayū ixeyū Judéia eipi watwat. Jesus Cristo ebekitkiyū ixeyū. Judeuyū kukuk'ukayū ixeyū be juk adi ipiat o'supi'ajojoat. ¹⁵ Judeuyū kukukayū wuykukukat Jesus o'yaokaat. Deus ekawēn muwēnuwēn'ukayū'ūm'ūm aokaka'uk tak ip osodop ibadipyū ma'gu ip. Ocekaykay dak cuk adi ip osodop. Xipat gu ip Deus xe. Ijodiat kay dak ip itakoma. ¹⁶ Ibu'u'u jījā ip Deus pe Judeu'ūmayū daxijo am. Deus wuydaxijo pinap ekawēn muwēn pin oceju Judeu'ūmayū be. Imuwēgap muba'orerem pit ip. Kuy bima ikērēat muḡēḡē'uk ip osodop. Biḡ ma ikērēat muḡēḡēm ip ḡasū dak. Imēnpit Deus itakoma jījā o'e cekay ip.

— Ikērēat kuḡ cīcā oxe — io'e Deus cebe ip.

Ipiat o'supi'ajoat cebe ip—ikērēat muḡēḡēxiayū be.

¹⁷ Ocekpitpiyū, eyxewi ocejēm'isum ma ocepit pin cīcā ocesop waram eyjom. Soat em oceḡuykitkit cuk adi ocesop eykay. Eykay ocepicap kudadam cuk adi ocesop ḡebum cīcā eykay buye. ¹⁸ Waram eyjo pin ma'gu ocesop. Pūḡ em gu wepit pin ma'gu oḡuy eykay—soat em. Soat em ma:

— Ga'a acepit — i juk adi ocece obureyū be.

Satanás pit ocemuypit'ūm'ūm cuk adi osunuy. Imēnpuye ocepit pa'ore juk adi ocesop. ¹⁹ Waram

wuykukukat Jesus ajēm puje soat wuyju acejew-emubapuk cewap. Wuycokcoğ acesop cewap pima. Warara'acat kayap podi ma ocecokcok oce'e eykay cewap pima. Xipan oceju jeymuwēn Jesus pe.

— Teyũku juk adi ipiat o'supi'ajojo jĩjã. Inaka oibu'un ğu ip ekay — i oce'e cebe eymuwēnuwēn.

Ocekawēn coco buje, Jesus je'e ocewebe: — Eyju xipat cĩcã oxe — i.

Iboap wiwim cĩcã oceju. ²⁰ Xipan oceju ey-muwēnuwēn warara'acayũ be. Eyju ocemucok-cokcoğ eyetabut cĩcã buye.

3

¹ Imēneju oceğuykitkit cĩcã juk adi ocesop eyawēğ tobuxik'ũm puye.

— Xipat ma wağepũğ ma onuy am ijopka be—Atenas ka be — i juk oce obureyũ be.

— Ha'a — i juk o'e ip owebe. — Ijopka be ma eğuy — i.

² Wuykitpit Timóteo bit cuk õğuju eykay. Deus cuk ixē o'taē kawēn idipat muwēn ãm oceweju. Ixe Cristo ekawēn muwēnuwēn soat ka dağ. Ixe juk oceğuju eykay eymucokcok am. Eya'õmucan am tak oceğuju biğ ma Cristo kay eyetabut am. ³ Ixe juk oceğuju eykay eywebe eyetabucap epereap puxim ipiat'ajojomap tomuju. Deus kay'ũmayũ ipiatpi'ajojoan wuywebe. Inaka iboap cũğ ma Deus xe. Deus ibikuy jebekitkit pe ipiat'ajo am ixeyũ etabucap puyxijo am. Eyju dak eyetaybit iboam. ⁴ Eyxe bima:

— Itabut'ũmayũ ipiat supi'ajojoat wuywebe Jesus Cristo kay wuyetabut puye — i juk adi oce'e'e eywebe.

Gasũ dak ipiat o'supi'ajojoat ip soat pe ocewebe apẽn cuk adi ocece eywebe iap tağ. ⁵ Oceguykitkit cuk adi ocesop eyawẽğ tobuxik'ũm pima.

— Ibiõğbuk kērēayũ kukukat paxi ikērēat o'ğugēat cebe ip? — i juk adi oce owebe ma. — Wuymuğuykukuku'ukat ekawẽn kay paxi ip o'e? — i juk adi oce owebe ma. — Te'e ma paxi juk kawẽn idipat oğuwẽn cebe ip? — i juk adi oce. — Oibu'un paxi ip Jesus Cristo kay jetabut am? — i juk adi oce owebe ma.

Imēneju Timóteo juk oğuju eykay ġasũ dak paxi Jesus Cristo kay itabut ip iam wetaybit am.

⁶ Gasũ bit Timóteo oajēm eyxewi. Eyawẽğ o'yawẽğtojot ocekey—yawẽğtipatawẽğ.

— Deus kay itabut cĩcã ip — i juk o'e ocewebe. — Soat ikukpin cĩcã cexe ip — i juk o'e ocewebe. — Soat em ġebum ip wuykay, wuykukpin cexe ip puye — i juk o'e ocewebe. — Ixeyũ wuyjo pin cĩcã wuywebe ixeyũ jo pinap co'i — i juk o'e ocewebe.

⁷ Ocekpitpiyũ, ocağuybabi'ũm cĩcã juk adi ocesop eykuğ. Jesus Cristo kay eyetabut cĩcã mabuk iap awẽğ tobuxik puje bit, ocağuykuku oce'e eykay, ipiat'ajojom ma'ğu oceju. ⁸ Wuykukukat Jesus kay eyetabut cĩcã bima, ocecokcok cĩcã oce'e—ixe kay eybu'u'ũm pima. ⁹ Deus eju kawẽnwẽn pima, ocecokcok cĩcã Cristo kay eyetabut puye. Imēnpuye soat em oceju e'em Deus pe: — Bay, ģn xipat cĩcã — i. — Tessalônia ka watwat itabut cĩcã ekay — i oceju e'em cebe.

¹⁰ Kabia bun oceju kawēnwēn Deus eju eywebeam, ixima bun tak.

— Bay, ãḡ ocejepit Tessalônica ka watwat com — i oceju e'em cebe. — ãḡ ocejepit ixeyũ mutaybit am ajom itaybit ḡu ip iam, biḡ ma itabut am ip ekay — i oceju e'em cebe.

¹¹ — Bay, ocedujupin cuy ece ixeyũ jom — i oceju e'em Deus pe.

Imēn oceju e'em Deus pe wuyebayat pe, wuykukukat Jesus pe dak.

¹² — Bay, kuy xipan jewewekuḡ ip soat — i oceju e'em. — Xipan tak ip warara'acat kuḡ — i oceju e'em. — Ixeyũ juy esubuywan biḡ ma ip xipan jewewekuk am, biḡ ma warara'acat kuk am tak ocexe ikukpin ip iap puxim — i oceju e'em Deus pe.

¹³ Imēn Deus pe eybuywan pima, ka'ũma ma kuka o'e eywebe:

— Ikērēat kuḡ eyju Deus xe — i.

Ikērēat kuḡ ḡu epesop cexe wuykukukat Jesus ajēm puje. Ixe jajēm soat jebekitkit eju—ja'õkayayũ eju.

4

¹ Ocekpitpiyũ, eymukũyjom cuk adi ocekukuku.

— Kũyjobin cuy epesop Deus a'õ kay — i juk adi oce'e'e eywebe.

Eyju kũyjobit ḡasũ ya'õ kay. Imēnpit:

— Biḡ ma juy kũyjobin epesop ya'õ kay ixē mu-cokcok am — i õn e'em eywebe wuykukukat Jesus a'õbi.

² Deus pe ocawēwē ãm eymutaybitbin cuk adi oceku wuykukukat Jesus a'õbi. Eytaybit iboam.

³ Deus ibikuy wuyekawēntim wuyeku am soat em. Ibu'u jĩã wuywebe ikērēat kukan. Imēneju eytayxi'ūmat eju ġu juy epeyepo—eytayxi eju acã. Eyektop'ūmat eju ġu juy epeyepo—eyektop eju acã. ⁴⁻⁵ Itabut'ūmayũ ma jewebumũnmũn ayacat tabi o pin cĩcã buye—Deus itaybit'ūmayũ. Eyju bit epeyewebumũn cuy ayacat ikukpin cĩcã buye acã. Ibuyxim cuy eytayxi epejukuk cũġ ma jeku am Deus etabutpe, ijodiat etabutpe dak. ⁶⁻⁷ Deus cuk wuynaē ikērēm wuyeku am ġu—cũġ ma wuyeku am acã. Soat taġ wuyisum wuydop am cuk wuynaē. Eyetabut Jesus kay. Imēneju warara'acat tayxi kaykay ġu juy epesop, warara'acat itop kaykay ġu dak. Ixeyũ kaykay bima bit, wuykukukat ipiat supi'ajoat eywebe. Kuy bima oca'õpuruġ cuk adi iboap oceġuwēnuwēn eywebe. ⁸ Deus jebiõġbuk muõmõm wuywebe—xipacat muõmõm. Ijudup mubarararaġ õn ijodiat a'õbi ġu—Deus a'õbi acã. Imēnpuye wekawēn kay'ūmat Deus ekawēn kay ġu dak.

⁹ Deus ma juk adi eymutaybitbin osunuy xipan cuy epeyewekuk eyju ikitpitpiyũ buye iam. Õn pit iboam ġu jeymutaybin ijudup pe. ¹⁰ Macedõnia eipi watwat kuġ cuk adi epesop xipan. Ocekpitpiyũ:

— Biġ ma juy xipan ip epejukuk — i oceju e'em eywebe.

¹¹ — Kaba'ũm cuy epesop eyeweweju — i oceju e'em eywebe.

Warara'acat ekapikap kay ġu juy epesop aġ—eyekapikap kay acã. Eyekapikap kuġ ma juy epesop eyemukaypinput pu am. Imēn ma juk adi eyawēwēm ocesop kuy bima dak. ¹² Imēn eyju kapikpiġ pima, ibuyxim jeykuk itabut'ūmayū. Warara'acat xewi epejoojuy ġu dak eyemukaypinput.

¹³ Ocekpitpiyū, oceju jeymukūyjo apēn je'bapuk Jesus kay itabucat pe ce'ū buje iam. Iboam eyetaybit pima, eyġuycūġsū ma epesop itabucat e'ū buje. Itabut'ūmat e'ū buje bit ibureyū iġuycūġ cĩcã e'em, soat em Deus xe acesop wuye'ū buje iap wiwim'ūm puye. ¹⁴ Wuyetabut Jesus oe'ū iap kay, waram ġuto o'jetait iap kay dak. Imēnpuye icēmān Deus itabucayū'ūm'ūm ġutait ġuto. Jesus o'ġutait'iaiyū idojot ceweju waram jedot puje. Wuyetabut iboap kay dak.

¹⁵ Ijodi wuyetait pima, acejeu wuykukukat topabe waram ixē ajēm puje. Acejeu itabucayū'ūm'ūm eu awap ġu. Ixeyū eju ma acejeu—waram cemumutaityū eju. Iboap muwēnuwēn oceju eywebe wuykukukat a'ōbi.

¹⁶ Wuykukukat Jesus je'kop kabi kadiwi. Deus ekawēn tojotjot'ukayū kukukat ewāwā buje je'kop—ya'ōbuyxiat ewāwā buje. Deus eparasuy jo'iat ede buje je'kop. Deus koam Cristo kay itabucayū'ūm'ūm jebit ġuyu. Soat em itait jeedop ip cexe. ¹⁷ Wuymuyu ġebuje. Itabēġayū ġuyu. Ijodiat ġuyu. Wuymuyu koam o'ġuyu'iaiyū nomuxik am kabikerereat pe. Ixeyū eju acejeu wuykukukat topabe. Imēn soat em acesop cexe—wuykukukat Jesus xe. ¹⁸ Imēneju jewemucokcokcoġ cuy epesop ġebum ibo ekawēn

kay—apĕn je'bpuk itabucayũ'ũm'ũm pe iap ekawĕn kay.

5

¹ Kuy eyetaybit wuykukukat jajĕm iam. Apĕn je'bpuk ixe ajĕm awap iam tak eyetaybit. Imĕnpuye iboaptup otupmubararak ĝu eywebeaptum. ² Eyetaybit apĕn wuykukukat waram jajĕm iam. Ixima be ibukurukat ajĕmjĕmap puxim jajĕm uk'a iwat aĝ'ũma pima iap puxim. Adeayũ aĝ'ũm pima jajĕm. ³ Yũkreĝat te'e ma e'em:

— Obu'u o'it pi'ajom — i.

Je'itpi bima, cenapõn pa'ore e'em je'it pibun. Jopi'ajo ma. Imĕnpuxim adeayũ te'e ma e'em:

— Kaba'ũm wuyju wuyeweweju — i. — Ka'ũma ma ipiat supi'ajoat wuywebe — i'e'em ip te'e ma. Jesus ajĕm puje bit, Deus dao ma ipiat supi'ajoat cebe ip—kũyjobit'ũmayũ be. Cenapõn pa'ore je'e ip ipiat puxim. ⁴ Kabiok taĝ ibukurukat ajĕmjĕm wuymukuy am. Ocekpitpiyũ, kabiok taĝ jekuku'ukat puxim ĝu wuyju bit. Imĕneju wuykukukat ajĕmap cuy ajowiwi yajĕm puje wuyekuyap puxim. Ibukurukat pe wuymukuyap puxim ĝu juy ace.

⁵ — Kabiaat ebekitkit oceju — i wuyju e'em, Jesus ekawĕn taĝ wuyju jekukum puye. — Kabiokat ebekitkit ĝu oceju — i wuyju e'em, ikĕrĕat muĝĕĝĕm ĝu wuyju e'em puye.

Imĕnpuye wuykukukat ajĕm puje acejekuy ĝu. ⁶ Jesus kay itabut'ũmat ixecat puxim—aĝ'ũmat puxim. Ixecat puxim ĝu juy ajekuku. Aĝ cuy ajekuku. Wuykukukat ajĕmap cuy ajowiwi.

⁷ Kabiokat ebekitkiyũ yağuyba'arēm jekukum soat em ika'oat puxim. Ikērēat muğēğēm ip soat em. ⁸ Wuyju bit kabiaat ebekitkiyũ. Ikērēat muğēğēm ğu wuyju e'em. Imēnpuye wuyağuyba'arēm ğu juy ajeku—wuyağuyban acã. Jesus Cristo kay wuyetabun cĩcã juy ajop wuyjuap puxim ipiat'ajojoap kay. Xipan cuy soat ajukuk. Imēn jekukum pima sorara buxim acesop, xipan warara'acat kuğ pima dak. Sorara ja'õxa dağ icaat kuğ jaokaap puxim. Soat em Deus xe acesop iap wiwim cuy acesop. Iboap wiwim pima ja be icaat kukat puxim ace'e. ⁹ Ipiat'ajojoap kay wuymuju am ğu Deus cuk wuynaē—wuydaxijo am acã. Ixe wuydaxijom wuykukukat Jesus Cristo oe'ũ wuywebeam puye. ¹⁰ Ixe Cristo oe'ũ wuywebeam. Oe'ũ wuywebe soat em jexe wuydop am. Ixe ajēm puje aceju cekay wuyetait pima, wuye'ũ bima dak. ¹¹ Imēneju juy epeyewemukocğ. Jewebuywatwan tak cuy epesop biğ ma eyetabut am Jesus kay. Gasũ dak eyju jewemukocğ, jewebuywatwan tak. Imēnpit biğ ma juy: — Imēn epesop — i õn e'em eywebe.

¹² Ocekitpitpiyũ: — Ibuyxim cuy eymutay-bitbin'ukayũ epejukuk — i oceju e'em eywebe. Wuykukukat cuk ixeyũ o'taē jekawēn eymutay-bitbin am, eyrukũyjojo am tak. ¹³ Kapikğpiğ ip eywebeam. Imēnpuye xipan cuy ixeyũ epejukuk. Ibuyxim cuy epejukuk ip.

¹⁴ Imēn cuy jeyawē oceju. Eya'õpuruğ cuy ibukapik'ũmat epeyawē. Iğuycũğcũğayũ juy epeğucocğ. Itabutbũcayũ juy epesubuywan biğ ma itabut am ip Jesus kay. Eyukpiceğēm ğu juy

epejukuk warara'acat—eya'õdim ma. ¹⁵ Ikêrêm ġu juy warara'acat epejukuk, ikêrêm ma'ġu ip eykuġ. Soat em xipan cuy epeyewekuk. Warara'acayũ dak cuy epejukuk xipan.

¹⁶ Soat em cuy eycokcoġ epesop. ¹⁷ Soat em cuy kawênwên epesop Deus eju. ¹⁸ Soat em cuy epe'e'e Deus pe:

— Bay, ên xipacat cîcã — i.

Imên cuy epe'e'e cebe xipacat jebapukpuġ eywebe bima, xipacat'ũmat jebapukpuġ pima dak. Deus ibikuy eywebe imên eyeku am Jesus Cristo ejo mũġ'i jekukum pima. ¹⁹ Ibiõġbuk xipacat e ojuyaap muba'arêmrêm ġu juy epesop. ²⁰ Deus biõġbuk a'õbi warara'acat ekawên puje juy epejowayway ġu. ²¹ Ijodiat ekawên co buje juy epe'e'e eyewewebe:

— Icêm tu ite e'em? — i.

Warara'acat ekawên kay ġu juy epesop eyetabun—xipacat ekawên kay ã. ²² Ade opop iwarururuat xipacat'ũmat. Epejukuk ġu—pũġ tak ka'ũma.

²³ Deus eju õn kawênwên eywebeam. Ixe Deus wuyaġuymubabibin'ukat.

— Bay, Tessalônica ka watwat cuy eġuisun soat taġ ikêrêat kukap puxim ip — i õn e'em Deus pe. — Ixeyũ juy eya'õmucanucan ikêrêat muġêap puxim — i õn e'em cebe. — Ixeyũ jebit cuy eġuisun — i õn e'em cebe. — Eyaġuymuisun tak cuy ip — i dak. — Esubiõġbukmuisun tak cuy ip — i dak õn e'em cebe. — Ixeyũ a'õmucanucan pima, ikêrêat kuġ ġu je'e ip exe, ocekukukat Jesus Cristo ajêm puje — i õn e'em Deus pe. — Soat taġ idip je'e ip exe — i õn e'em cebe.

²⁴ Deus wuynaẽhẽm ikẽrẽat kuḡ'ũmayũm. Ixe ma wuymuisun soat taḡ, soat em ja'õ daḡ e'em puye.

²⁵ Ocekitpitpiyũ, ocewebeam tak cuy epeyekawẽnwẽn Deus eju.

²⁶ Epeyewakobotbot cuy wuykukpin wuyeweweju iap mubapuk am soat pe.

²⁷ — Ijudup cuy epetupcoat soat pe—wuykitpitpiyũ be — i õn e'em eywebe. Imẽn õn e'em wuykukukat a'õbi.

²⁸ — Xipan cuy Tessalõnica ka watwat ejukuk — i õn e'em wuykukukat Jesus Cristo be. Ibũrũ ma.

**Deus ekawẽntup Kawẽn iisuat ekawẽn
New Testament in Mundurukú (BR:myu:Mundurukú)**

copyright © 2010 Wycliffe Bible Translators, Inc.

Language: Mundurukú

Translation by: Wycliffe Bible Translators, Inc.

Mundurukú [myu], Brazil

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mundurukú

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022

82289dff-6b79-5335-974c-563b93a888ae